

Ilinniartuuteqarnermi isumaqatigiissutip atsiukkap immersornissaanut ilitsersuut

Immikkoortoq 01 – Peqataasut

Uani ilinniarnermut atatillugu suliffimmiittup / ilinniartup kinaassutsini nalunaarutigissavaa.

Praktikkerfiup imaluunniit praktikkerfiit suliffeqarfisik pillugu paasissutissiisapput.

Immikkoortoq 02 – Ilinniarneq

Uani immersorneqassaaq ilinniagaqartup ilinniakkatut allatsikkusutaa. Soorlu AU Aningaasaqarneq imaluunniit Isumalluutiniq aqutsinerusinnaavoq. Ilinniakkap normua aamma immersugaassaaq.

Immikkoortoq 03 – Sivisussusaa

Uani ilinniarnernup sivisussusaa ullulersorneqassaaq. Ullut taakkartorneqartut atuarnernup praktikkernerullu piffissarititaanik ilaqassapput. Piffissaq taakkununga arlariinnut katillugu eqqartorneqarpoq.

Immikkoortoq 04 – Sivikilliliineq akuerineqarsimasoq

Immikkoortoq una taamaallaat immersorneqassaaq, praktikkertoq praktikkerfiminiilereersimappat, ilinniagarlu praktikkertup qinigassani sulinermini misilittagaqarfigisimappagu. Misilittagaqarsimagaanni, Niuernermi Ilinniarfimmi siulersuisunut akuersissummut qinnuteqaammik allakkiortoqassaaq.

Immikkoortoq 05 – Akissarsiaqarnermut allanullu atugassarititaasut

Immikkoortoq una arlarinnik paasineqassaaq. Allaqqavoq ”ilinniartuq immikkortortap pineqartup iluani isumaqatigiissut naapertorlugu akissarsiaqartinneqassaaq. Isumaqatigiissummik peqanngippat, ilinniartuq pisortani isumaqatigiissut naapertorlugu akissarsiaqartinneqassaaq.” Tulleraalu qinigassatut allassimasoq: ”Praktikkernermi akissarsiaq Aap imaluunniit Naamik”. Praktikkernerup nalaani praktikkertup akissarsiaqarnissaa qinigassaasinnaanngilaq. Toqqarneqarsinnaavoq praktikkertup akissarsiaqarnissaa piffissaq naallugu – tassa atuarnernup nalaani kiisalu praktikkernerup nalaani, imaluunniit praktikkertoq/ilinniartuq praktikkernermi nalaani praktikkertut akissarsiaqarluni, atuarnermilu nalaani ilinniartuunersiuteqarluni.

Immikkoortoq 06 – Oqaaseqaatit

Uani allanneqassaaq, praktikkertoq atuarnermi praktikkernermilu nalaani tamakkiisumik akissarsiaqassanersoq, imaluunniit nikerartumik praktikkernermi nalaani praktikkertut akissarsiaqariarluni taava atuarnermi nalaani ilinniartuunersiuteqarluni.

Aammattaaq uani allanneqassaaq, siornatigut praktikkersimasumut uiggiullugu isumaqatigiissutaanersoq.

Immikkoortoq 07 –Atsiornerit

Ilinniartuqarnermut isumaqatigiissut praktikkerfiminngaaniit praktikkertumillu atsiorneqareerpat, uppernarsaat assilinqassaaq kiisalu Ilinniagaqarnermi inspektørimut pineqartumut imaluunniit Nuummi Niuernermik Ilinniarfiup immikkoortortani ataqatigiissaarisartumut nassiunneqarluni.

Immikkoortoq 08 –Ilinniarfissaq

Isumaqatigiissut atsiorneqarsimasoq Niuernermik Ilinniarfimmut nassiuneqarsimalerpat, ilinniartumut isumaqatigiissut Ilinniarfimmi inspektørimut / Ataqaqatigiissaarisumut atsiorneqassaaq, assileriarlugulu praktikkertumut praktikkerfimmullu utertinneqassalluni.